



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Adversvs Omnia Catabaptistarvm Prava Dogmata
Heinrychi Bullingeri lib. IIII**

Bullinger, Heinrich

Tigvri, 1535

VD16 B 9759

Arrogantia est si quis se glorietur abq[ue] peccato esse

urn:nbn:de:hbz:466:1-35433

cognouimus & credimus quod tu es filius dei. Quod si quis plane excidit à fide, is iam testimonium certum de se præbet, se fidem ueram nunquam habuisse.

Exierunt inquit Iohannes ex nobis, sed non fuerunt ^{1.Ioan.2.}
ex nobis: nam si fuissent ex nobis, permanissent utique nobiscum. Qui ergo à cognita ueritate deficit, hic salutem nullam habet. Sed quare? quod unica duntaxat salus est nempe Christus, à quo ipse perfide desciscit, & aliam salutem inuenire nunquam potest. Intelligi ^{Hebr.10.}
casum (ut opinor) lapsus qui quotidie fit in pijs ex carnis imbecillitate, sed desperationem extremam et perfidiam per quam homo à deo deficit. Lege cap.7. & 8. ad Hebreos, et uidebis lapsis quotidianam remissionem non negari. Nam sic loquitur etiam in 5. capite Christum pontificem esse qui posset nostris infirmitatibus compati, qui nobis adeudus sit, facta nobis ad id libertate, ^{Hebr.10.}

SIMON. In 12. capite Paulus docet Esau non reperisse locum pœnitentiae, quum hanc lachrymis postulasset. IOIADA. Apostolus hoc in loco non de pœnitentia aut remissione peccatorum loquitur, sed de electione, & reparacione primogeniturae, quam quum per gulam et intemperantiam amisisset semel, impetrare postea non potuit, utcunq; clamore et lachrymis id tentaret. Nam Iacob ius primogenitorum emerat & præripuerat. Nihil ergo hic de inter-

na peccatorum remissione. Et s^epe in aliam significa
tionem trahitur h^ac dictio, p^oenitentia. Sed his telis
usi sunt & Cathari, idq;[;] adeo ut ex pijs quidam infir
miores epistolam ad Hebræos suspectam horrerent,
quemadmodum & nostra ætate quidam Iacobi episto
lam. Sed uenio iam ad Petri autoritatē qui sic dicit:
Melius fuisset illis, non cognouisse uiā iustitiae, quām
ubi cognouerunt conuersti ab eo quod illis traditum
fuit sancto præcepto. Verum accidit illis id, quod ue
ro proverbio dici solet: Canis reuersus ad uomitum,
& sus lota reuersa ad uolutabrum cœni. Si h^ac uerba
recte expendis inuenies hic dici de perfidia & infide
lite, à qua dum semel per fidem uocati erāt, rursum
à deo defecerunt ad priorem infidelitatem. Videmus
ergo perfidiā esse quæ ubiq; damnatur. SIMON.

Sed quid de isto dicis, quod illi asserunt nos non ui

In carne sūt uere in carne? IOIADA. Caro nobis in sepul
fideles, sed non uiuunt chrum usq; adhæret. Nam caro spiritui aduersatur, et
secundum rursus spiritus carni repugnat, ut faciamus quæ non
carnem.

Audacia ergo est summa sibi arro
gare & de ijs gloriari quæ apostoli sibi nunquam ar
rogarunt, et de quibus nunquam sunt gloriati. Nam
Paulus queritur de carne sua, qui plus spiritus habuit,
plus carnē domare satagit, q; catabaptistæ omnes. Ad
huc audent dicere se non esse in carne, fortasse ob id
quod nihil sunt quām caro, hoc est, toti carnei, affecti
bus

bis omnibus immersi, quod ex eorum uita palam fit.
Sed rectius & sanctius breui summa Paulus totum
hoc negotium colligit: Itaq; idem ego mente quidem
seruio legi dei, carne uero legi peccati. Latius hæc &
clarius persequitur in octauo cap. Roma. et Gal. 5.

Ostendit autem breuissimis uerbis eos in carne ui-
uere, qui deum non metuunt, cœlestia non curant, sed <sup>Quid sit se-
cūdum car-
nem uiuere.</sup>
terreni sunt toti. Hic uero in spiritu uel secundum spi-
ritum ambulat, qui tametsi carnalis est, hoc est, mor-
bum & infirmitatem habet & sentit, adfectibus titil-
latur, tamen carni & peccato habens non laxat, sed
continue repugnat, et cauet ne unquam cadat. Quod
si contingit cadere, mox pedem retrahit et resipiscen-
tiam meditatur. SIMON. Illi uero perhibent
hominem posse sine peccato esse. IOIADA.

Sumus absq; peccato, quemadmodum canes sine pu-
licibus in mense Augusto. Proh pudor quod hæc cogi-
tant, aut quod sibi hoc arrogant, taceo quod euange-
lij ueritatem bac assertione infamant, imò gratiam et
misericordiam dei omnino tollunt. Nam ubi non est
peccatum, ibi non est gratia: ubi non est præuaricatio
& transgressio, ibi non est remissio. Apud illos non
est transgressio, ergo gratia dei non est apud illos. An
hoc non est gratiam dei euacuare? Quid dicam, quod
in nouam hæresim insani homines cadūt? Pelagi nem
pe blasphemii hominis, qui gratiam dei negabat, ho-